


Norgga Sámiid Riikkasearvi NSR



Jahkedieđáhus 2005 – 2006

1. Álgu

Jahkediđáhhus čilge áigodaga guovvamánu 21. beaivvis 2005 gitta geassemánu 9. beaivái 2006.

Norgga Sámiid Riikkasearvi lágidii ovddit riikkačoahkkima guovvamánu 18.-20. beivviid 2005 Álttás. Álttá Sámiid Searvi lei báikkálaš lágideaddji. Váldofáddá lei 2005 sámediggeválgga.

NSR lea áigodagas vuoruhan 2005 čavčča sámediggeválgga. NSR čađahii buori ja ulbmillaš válgagičču ja oaččui 18 áirasa okto, guovtti áirasa ovttas SÁBain (Sámi Álbmotbellodat).

Dán jagáš riikkačoahkkin lea geassemánu 9.-11. beivviid 2006 Deanus. Báikkálaš lágideaddjit leat Deanu Sámiid Searvi ja Deatnogátti Sámiid Searvi.

2. Organisašuvdna

2.1 Organiseren

NSR Norgga Sámiid Riikkasearvi lea searvi masa leat čadnon báikkálaš searvvit miehta Norgga. Riikkačoahkkin 2004 mearridii ođđa njuolggadusaid ja NSR listubargguid njuolggadusaid. NSR lea dál organiserejuvvon ná:

- Riikkačoahkkin lea searvvi bajimus orgána. Riikkačoahkkin mearrida njuolggadusaid, bušeahta ja vállje luohttámušolbmuid.
- Riikkastivra jođiha searvvi riikkačoahkkimiid gaskkas.
- Bargolávdegoddi čađaha áššiid rikkastivrra bealis.
- Jođiheaddji lea searvvi bajimus jođiheaddji.
- Riikkačoahkkin vállje nuoraidlávdegotti mas lea sierra bušeahta ja bargoprográmma.
- Čállingoddi Guovdageainnus lea rikkastivrra ja nuoraidlávdegotti čállingoddi.
- Čállingotti jođiheaddji lea virgáiduvvon ja raportere rikkastivrii.
- NSR sámediggejoavku lea organisašuvdna sierra oassi ja joavkkus leat 18 áirasa válljejuvvon NSR válgaprográmmas ja válgaprográmmain main NSR namma lea fárus. Sámediggejoavkkus lea sierra organisašuvdnanummar, stivra ja rehkedoallu.
- SOL - Sámi oahppolávdegoddi lea NSR ollesolbmooahpahuorganisašuvdna. SOLs lea sierra organisašuvdnanummar, stivra ja rehkedoallu.

2.2 Riikkastivrra ođđa instruksa

Riikkastivra mearridii rikkastivrra instruvssa 26.02.06. Instruvssa ulbmil lea čilget rikkastivrra barggu, áššemeannudeami jnv. mat eai čilgejuvvo njuolggadusain. Instruvssa berre ođasmahttit duollet dälle.

2.3 Ekonomiija

NSR boadusrehkedoallu 2005 čájjea *badjebáhca* 58.314. Doaimbaboadus lei vuolláibáza 94.987. Netto finánsapoasttain lei positiiva boadus 153.301, eanas Sámi Áviissa OS (Áššu) ossosiid vuovdima dihte. NSR iežaskapitála/oamiruhta lei 795.152 ruvnnu 31.12.2005.

NSR IEŽASERUHTA/OAMIRUHTA


Jahke-

| loahpaheapmi | 31.12.00 | 31.12.01 | 31.12.02 | 31.12.03 | 31.12.04 | 31.12.05 |
|--------------|----------|----------|----------|----------|----------|----------|
| Nominealla | 754 570 | 759 074 | 775 262 | 711 965 | 736 838 | 795 152* |

árvu

KPI-justere-


juvvon 1.1.2006 819 631 807 867 802 975 732 831 750 435 795 152



NSR rehkedoalli lea Rehketoallusservice Alta AS. Rehketoallodárkkisteaddji lea Facta Revisjon Finnmark A/S. Riikkastivra lea 1.1.06 dahkan ođđa šiehtadusa fitnodagain Rehketoallusservice Alta AS.

2.4 Miellahtut

NSR miellahtut gullet eanas báikkálaš servviide mat raportterejit miellahttologu ovdal njukčamánu 1. beavvi juohke jagi. Miellahttologu vuođul Sámediggi máksá doaibmadoarjaga. Miellahttolohku 2002 rájes leamaš ná:



- 2002: 742 miellahtu.
- 2003: 950 miellahtu.
- 2004: 1150 miellahtu.
- 2005: 900 miellahtu (sullii).

Loahpalaš miellahttolohku 2005 ii leat vel čielgan. Čállingoddi bargá miellahttologuin ja čállá rievttis loguid go dat leat čielgan. Jos ii leat vejolaš, de váldojuvvo tabealla eret jahkediédáhusas ja tállaid čilge njálmmálaččat riikkačoahkkimis.

2.5 Miellahttodieđut

NSR neahttasiidduin leat miellahttodieđut (<http://www.nsr.no>). Dasa bidjet sihke báikkálaš searvvit, sámediggejoavku ja guovddáš NSR iežaset dieđuid. Neahttasiidduin fitnet mánggas ja siiddu sisdoallu lea rámiduvvon. Mii bargat čađat neahttasiiddu buoridemiin.

NSR geavaha maid SameNet mas leat sierra digáštallanbáikkít dain: miellahtut, riikkastivra, sámediggejoavku, nuoraidlávdegoddi, parlamentáralaš jođihangoddi, válgaprošeakta ja báikkálaš searvvit. Lea maid okta rabas digáštallanbáiki.

Guovddáš NSR lea jámma sádden diehtoreivviid báikkálaš servviide ja ávžžuhan buktit oaviliid iešguđet áššiide.

E-poasta ii álo joavdda báikkálaš servvide. Ferte čielggadit galgá go guovddáš NSR ja báikkálaš servviid gulahallan dáhpáhuvvat elektruvnnalaččat, báhpiriid bokte, vai guktot.

2.6 Searvan dutkanprošektii

NSR oassálastá dutkanprošeavttas "IKT: Hástalusat demokrátalaš stivremis ja dárkkisteamis ". Prošeavtta ruhtada Norgga dutkanráđđi njeallje jagi (2003 - 2006 lohppii). Prošeakta čalmmusta mo IKT váikkuha almmolaš ásaheamis ideologalaš organiseremii, hábmemii ja doaimmamii.

3. Riikkastivra

3.1 Čoahkkimat

Riikkastivrras leat leamaš dát čoahkkimat:

| Goas | Čoahkkin | Gos |
|--------------|---|------------|
| 14.03.05 | Riikkastivračoahkkin: Meannudan ášši 14/05 | Telefuvdna |
| 29.04.05 | Riikkastivračoahkkin: Meannudan ášši 14-16/05 | Romsa |
| 23.-25.09.05 | Riikkastivračoahkkin: Meannudan ášši 16-21/05 | Alta |
| 13.10.05 | Riikkastivračoahkkin: Meannudan ášši 22/05 | Telefuvdna |
| 13.12.05 | Riikkastivračoahkkin: Meannudan ášši 23-26/05 | Telefuvdna |
| 10.1.06 | Riikkastivračoahkkin: Meannudan ášši 1-6/06 | Telefuvdna |
| 25.-26.2.06 | Riikkastivračoahkkin: Meannudan ášši 9-21/06 | Karášjohka |
| 4.5.06 | Riikkastivračoahkkin: Meannudan ášši 22-26/06 | Telefuvdna |
| 19.-21.5.06 | Riikkastivračoahkkin: Meannudan ášši 27-39/06 | Romsa |
| 9.6.06 | Riikkastivračoahkkin: Meannudan ášši | Deatnu |

3.2 Riikkastivra lea dahkan mearrádusa ea.ea. dáid áššiin:

- Gárvvistan NSR válgaprogrammá sámediggeáigodahkii 2005-2009.
- Finnmárkuláhka.
- Čuovvulan riikkačoahkkináššiid ja resolušuvnmat.
- NSR Sámi Áviisa AS (Áššu) ossosiid vuovdán.
- Searvan šiehtadallamiidda Sámedikki konstituerema oktavuodas maŋŋil válgga.
- Jođihan organisašuvnna riikkačoahkkimii 2006.
- Finnmárkoopmodaga stivra.
- Nissonruđaid geavaheami raporteren.
- Mearridan gosa finánsakapitála bidjat.
- SOL ruhtadilli.
- Sámi mediafoandda ásaheapmi.

- Nammadan ja addán mandáhta gávpotpolitihkalaš lávdegoddi.

3.3 Lávdegottit

Riikkastivra lea nammadan dáid lávdegottiid, oktan 20/05 ášši lassiválggain:

- **Guolástusressursalávdegoddi:** lávdegotti jođiha Camilla Bratland. Lahtut leat Gunn-Britt Retter, Nils Einar Mathisen ja Alf Nystad.
- **Luonddugeavaheami ja –suodjaleami lávdegoddi:** lávdegotti jođiha Tor Mikalsen. Lahtut leat Viktor Trosten ja Ellinor Marita Jåma.
- **Kulturpolitihkalaš notáhta**

Riikkastivrra mielas **kulturpolitihkalaš notáhta lávdegoddi** lea ollášuhttan mandáhta. Riikkastivra lea sádden lávdegotti notáhta Sámediggeráđđái mii geavahii dan dáiddadieđáhusa ráhkadettiin. Lávdegottis leigga Jarle Jonassen ja Ingunn Utsi. Áile Javo lei čáli.

Riikkastivra lea rievdadan NSR fágalaš lávdegottiid bargovuogi.

Riikkastivra sihtá politihkkahábmenbarggus ná bargat:

- *Identifiseret* politihka ja sierranas áššesurggiid,
- bargočilgehusa/mandáhta bokte *ráddjet* barggu,
- gávdnat ja bálkáhít *válđočáli*,
- cegget fágalaš *referánsajoavkku* válđočállái,
- juolludit *ressursaid* válđočáli honoráarii ja joavkku čoahkkingoluide,
- evttohit hámi ja man guhkki *loahppaboáđus* (dokumeanta) galgá leat ja
- čilget *goassáži* bargu galgá leat geargan.

Riikkastivra lea geavahan dán vuogi *Gávpotpolitihkalaš plána* hábmemis ja *davviguovllupolitihka* ja *davviriikkaid sámekonvenšuvnna* riikkačoahkkináššiid ráhkkanahhtimis.

4. NSR eará orgánat

4.1 Báikkálaš searvvit

Norgga Sámiid Riikkasearvvis leat 25 doaimmi báikkálaš searvvi Unjárggas gitta Osloi. Báikkálaš searvvit doaimmahit dehálaš kulturbargguid báikegottiin: festiválaid, konseartaid, guovvamánu 6. beavvi doaluid, sámi viesuid doaimmahit jnv. Rana sámiid searvi lea fas doaimbagohtán ja Kárášjoga Sámenuorat leat maid doaimbagohtán fas. NSR mielas lea buorre ja dehálaš go ođđa searvvit ásahuvvojit ja go ovddeš searvvit fas doaimbagohtet. Erenoamáš dehálaš lea go nuoraidsearvvit fas doaimbagohtet. Lea maid dehálaš movttiidahttit dálá báikkálaš servviid lasihit doaimmaid, ja lasihit organisašuvnna miellahttologu.

4.2 Nuoraidlávdegoddi

NSR nuoraidlávdegotti jođiha Kare Elle Partapuoli (DSS). Nuoraidlávdegoddi buktá ovdan sierra jahkedieđáhusa NSR riikkačoahkkimis.

4.3 Sámi oahppolávdegoddi - SOL

SOL-Sámi oahppolávdegotti stivrra jođiha Anne Márjá Gaup Eira (MSS). SOL buktá ovdan sierra jahkedieđáhusa NSR riikkačoahkkimis.

4.4 Sámediggejoavku

NSR sámediggejoavku konstituerii iežas maŋŋá 2005 čavčča sámediggeválgga. NSR parlamentáralaš jođihangottis leat Jánoš Trosten, jođiheaddji, Rita Alise Porsanger ja Ann Mari Thomassen. NSR doaimmat Sámedikkis bohtet ovdan Sámedikki 2005 jahkedieđáhusas. Sámediggejoavku buktá sierra čilgehusa riikkačoahkkimis.

Sámediggejoavku lea miesemánus 2006 ráhkadahttan njuolggadusaid ja prosedyraid mat čilgejit NSR barggu Sámedikkis.

4.5 NSR jođihangoddi

NSR jođihangoddi lea čađahan dáid formealla čoahkkimiid:

| Goas | Čoahkkín | Gos |
|---------|----------------------------------|--------------------|
| 21.2.06 | Jođiheaddječoahkkín | Telefuvdna |
| 26.2.06 | Jođiheaddječoahkkín | Kárášjohka |
| 31.3.06 | Viiddiduvvon jođiheaddječoahkkín | Romsa |
| 10.5.06 | Jođiheaddječoahkkín | Kárášjohka |
| 21.5.05 | Viiddiduvvon jođiheaddječoahkkín | Telefuvdnačoahkkín |

NSR jođiheaddjit leat jámma gulahallan dáin áššiin: finnmárkoláhka, sámediggeválga, Sámedikki konstitueren, finnmárkkopmodaga ásaheapmi ja Sámedikki barggu organiseren.

4.6 Čállingoddi

NSR čállingoddi lea Guovdageainnus. NSR ja Sámi oahppolávdegoddi láigojedje lanjaid Sis-Finnmárkkku studeanttaidovttastusas Gáhkörčorus 1 gitta guovvamánu 28. beaivvi 2006 rádjái. Njukčamánu 1. beaivvi 2006 rájes leat NSR ja SOL ođđa lanjain boares dearvvašvuodaguovddážiis Guovdageainnus. Lanjaid oamasta Guovdageainnu suohkan.

Marit Meløy Utsi lea Norgga Sámiid Riikkasearvi válđočáli njealji jahkái gitta 01.08.2008 rádjái. Sus lea 100% virgelohpi 26.12.05 rájes Guovdageainnu čálligottis. Marit Meløy Utsi virgelohpeáiggis 1.1.-31.12.06 lea Heaika Skum NSR čállingotti jođiheaddji. Čorgejeadjit leaba leamaš Marie Louise Somby ja Inga Karen Ellen Skum.

4.7 Sámiráđdi

NSR áirasat Sámiráđis leaba Áile Jávo ja sadjásaš Aili Keskitalo ja Geir Tommy Pedersen ja sadjásaš Lars Andreassen. Aili Keskitalo beasai doaimmas go välljejuvvui Sámedikki presideantan. Riikkastivra lea nammadan Káre-Elle Partapuoli ođđa sadjásaš lahttun.

4.8 Válgalávdegoddi

Riikkastivra nammadii áššis 20/05 Nanna Thomassen (SNN) válgalávdegotti lahttun go Inga Marit Ellen Sara (MSS) gii lei välljejuvvui jahkái 2005 geassádii go searvvai gilvaleaddji listui sámediggeválggain, vrd. paragrafa 12 njuolggadusain.

5. Eaiggáduššan

NSR lea fárus eaiggáduššamin sámi aviissa Min Áiggi ja Beavvaš Sámi Teáhtera OS. NSR eaiggáduššá Min Áiggi OS 195 ossoda 5.112 ossosiin, namalassii 3,81% maŋŋá kapitálaviiddideami. NSR lea evttohan Torkel Rasmussen stivrii, ja son välljejuvvui.

NSR eaiggáduššá 5 % Beavvaš Sámi Teáhtera ossosiin. Asta Balto ovddasta NSR Beavvaš Sámi Teáhtera stivrras.

NSR lei fárus eaiggáduššamin Sámi Áviisa AS (Áššu) rehkedoalu dáfus gitta 31.12.2005 go NSR vuvddii ossosiid Nordavis OSii gii earret eará almmuha Altaposten. NSR eaiggádušai 32,5 % Áššu ossosiin. Inga Margrete Eira Bjørn lea ovddastan NSR Áššu stivrras. NSR riikkastivra mearridii guovvamánus 2006, go lei gulaskuddan báikkálaš servviiguin, vuovdit Áššu ossosiid mediavissui Altaposten 350.000 ruvnnu ovddas.

6. Luohtámušolbmot

NSR riikkastivra:

- Aili Keskitalo, gean Áltá riikkačoahkkin välljii NSR jođiheaddjin guovtti jahkái, beasai doaimmas 13.12.05 danne go lei välljejuvvon Sámedikki presideantan.
- Martin Urheim (RSS), gean riikkačoahkkin välljii organisatuvrralaš nubbejođiheaddjin jahkái, doaibmá NSR jođiheaddjin 13.12.05 rájes gitta 2006 riikkačoahkkimii.
- Jarle Jonassen (NTSS) välljejuvvui politihkalaš nubbejođiheaddjin guovtti jahkái 2005 riikkačoahkkimis.
- Olav Andersen (IBSS) välljejuvvui stivralahtun guovtti jahkái riikkačoahkkimis 2004.
- Ing-Lill Pavall (Sálto NSR) välljejuvvui stivralahtun guovtti jahkái 2004 riikkačoahkkimis.
- Ingrid Nordal (DGSS) välljejuvvui stivralahtun ovtta jahkái 2005 riikkačoahkkimis.
- Sámediggepresideanta Aili Keskitalo lea riikkastivrras 13.12.05 rájes.
- Jánoš Trosten, parlamentáralaš jođiheaddji, lea riikkastivrras 01.11.05 rájes.
- Káre Elle Partapuoli, NSR nuoraidlávdegoddi, lea riikkastivrras 21.02.05 rájes.

Riikkastivrra sadjásaš lahtut:

Olav Andersen sadjásaš: **Ing-Lill Pavall sadjásaš:** **Ingrid Nordal sadjásaš:**

1. Ulf K. Eriksen

1. Christina Henriksen

1. Hugo Hansen

2. Ingunn Utsi

2.

Ingrid Jåma

NSR lahtut Sámediggeráđis

NSR lahtut Sámediggeráđis leat Aili Keskitalo, Randi A. Skum ja Jarle Jonassen.

NSR sámediggeáirasat:

Válgabiire 1 - Várjjat:

Olav Dikkanen gitta 2005 válggaide. Maŋŋá válggaid lea Gunn Britt Retter NSR/SÁB fásta áirras.

Berit Ranveig Nilssen gitta 2005 válggaide. Válggain massii NSR nuppi áirasa dán válgabiires.

Válgabiire 2 - Deatnu:

Jánoš Trosten välljejuvvui fas NSR ja SÁB oktasaš listtus.

Válgabiire 3 - Kárášjohka:

Ragnhild Lydia Nystad gitta 2005 válggaide. Maŋŋá válggaid Synnøve Solbakken Härkönen NSR fásta áirras.

| | |
|-----------------------------------|---|
| Válgabiire 4 - Guovdageaidnu: | Ole Henrik Magga gitta 2005 válggaide. Maŋná válggaid leat NSRs guokte áirasa, Aili Keskitalo ja Klemet Erland Hætta. |
| Válgabiire 6 – Álttá/Fálesnuorri: | John Harald Skum válljejuvvui fas. |
| Válgabiire 7. – Davvi-Romsa: | Geir Tommy Pedersen gitta 2005 válggaide. Maŋná válggaid lea Tor Mikalsen NSR fásta áirras. |
| Válgabiire 8 – Gaska-Romsa: | Randi A. Skum ja Per-Bjørn Lakselvenes gitta 2005 válggaide. Maŋná válggaid Randi A. Skum ja Lene Hansen. |
| Válgabiire 9 – Lulli-Romsa: | Ann-Mari Thomassen válljejuvvui fas. NSR lasihii jienaid ja Susanne Amalie Andersen lea NSR fásta áirras. |
| Válgabiire 10 – Davvi Nordlánda: | Åge Nordkild gitta válggaide. NSR lasihii jienaid ja Kjersti Myrnes Balto ja Roger Pedersen leaba fásta áirasat. |
| Válgabiire 11 – Gaska Nordlánda: | Sven-Roald Nystø gitta válggaide. NSR lasihii jienaid ja Tone Finnessen ja Miriam Paulsen leaba NSR fásta áirasat. |
| Válgabiire 12 - Lullisámebiire: | Jarle Jonassen válljejuvvui fas. |
| Válgabiire 13 – Lulli-Norga: | Birger Nymo gitta váiggaide. NSR lasihii jienaid ja Rita Alise Porsanger ja Kirsti Guvsám leaba NSR fásta áirasat. |

NSR Nuoraidlávdegoddi:

- Kåre-Elle Partapuoli (DSS), jođiheaddji, válljejuvvui 2005 guovtti jahkái.
- Beatrice Fløystad (SNN), nubbejođiheaddji, válljejuvvui 2005 guovtti jahkái.
- Anta Jåma Jensen (OSS), lahttu, válljejuvvui 2005 guovtti jahkái.
- Johan Ante Utsi (GSS), lahttu, válljejuvvui 2005 jahkái.
- Ellen Cecilie Triumf (OSS), lahttu, válljejuvvui 2004 guovtti jahkái.

Nuoraidlávdegotti sadjásaš lahtut:

- Jack M. Nystad, (ÁSS) válljejuvvui 2005 guovtti jahkái.
- Jo-Anders Sivertsen, (SSN) válljejuvvui 2005 guovtti jahkái.
- Biret Margit Hætta, (MSS) válljejuvvui 2005 jahkái.
- Karen istine Fredeng Bårje, (RSS) válljejuvvui 2005 guovtti jahkái.
- Runar Myrnes Balto, (SSN) válljejuvvui 2004 guovtti jahkái.

Sámi oahppolihttu – SOL:

- Anne Márjá Gaup Eira, jođiheaddji, válljejuvvui 2004 guovtti jahkái.
- Kirsti Guvsám, lahttu, válljejuvvui 2005 guovtti jahkái.
- Per K. Grønnvoll, lahttu, válljejuvvui 2004 guovtti jahkái.

NSR válgalávdegoddi:

- Jan Erik Henriksen (ÁSS), jođiheaddji, válljejuvvui 2005 jahkái.
- Nanna Thomassen (SSN), lea lahttu gean riikkastivra válljii gitta 2006 riikkačoahkkima rádjái go lahttu Inga Marit Ellen Sara (MSS), gean 2005 rikkačoahkkin válljii jahkái, geassádii go searvvai gilvaleaddji listui 2005 sámediggeválggain.
- Hugo Kalstad (Sálto NSR), lahttu, válljejuvvui 2005 jahkái.

NSR báikkálaš searvvit:

Álttá Sámiid Searvi
Bergen Sámiid Searvi
Deanu Sámiid Searvi
Deatnugátti Sámiid Searvi

Jođiheaddjit 2006 giđa

Brita Julianne Skum
istine Sara Hætta
Solbjørg Ravna
Trond Are Anti

Davvinjárgga Sámiid Searvi
Gáivuona Sámesearvi- NSR
Guovdageainnu Sámiid Searvi
Harstad ja omegn Sameforening
Iinná ja bira Sámiid Searvi
Kárášjoga Sámiid Searvi
Oslo Sámiid Searvi
Máze Sámiid Searvi
Moskavuona/Ullsfjord NSR
Møre ja Romsdal Sámiid Searvi
Nord-Trøndelag Saemien Saervie
Porsáŋggu Sámiid Searvi
Rahka ja Biras Sámiid Searvi
Rana Sameforening
Romssa Sámi Searvi – NSR
Sáltto sámesiebrre – NSR
Sáččá ja biras sámiid searvi
Stuornjárgga Sámenuorak
Lulli-Trøndelága ja Hedmárkku Saemien Saervie
Unjárgga Sámiid Searvi
Kárášjoga Sáme Nuorat

Ingunn Utsi
Tor Mikalsen
Marit Meløy Utsi
Nils Arne Rasmus
May Tove Johnsen
Egil Utsi
Ellen Cecilie Triumf
Ánne Márjá Gaup Eira
Nils Djupen
Tor A. Dalseng
Grethe Dunfjeld
Sigvald Persen
Lars-Ove Fjelldahl
Ole Gunnar Leirvaag
Anita Lervoll
Wenche Nergård
Mildrid Pedersen
Beatrice Fløystad
Aasta Joma Granefjell
Gunn Britt Retter
Ul-Johan Partapuoli

7. Sámediggeválgga2005

Válgga mihttomearit

Riikkastivrra mihttomearit válgabarggus ledje:

- NSR galgá vuoitit válggaid ja oážžut sámediggepresideantta.
- NSR árásiid gaskkas galget leat unnimustá 40% nissonat maŋŋil 2005 válggaid
- NSR árásiid gaskkas galget leat unnimustá guokte árasa vuollel 30 jagi maŋŋil 2005 válggaid
- Unnimustá 50% NSR dálá árašiin galget nuppes välljejuvvot.

Prošeaktaplána vuosttaš čállošii lei mai ulbmil ahte NSR galggai oážžut unnimustá 17 árasa Sámedikkis.

Mihttomeariid oláheapmi

NSR lea čađahan buori ja ulbmillaš válgagičču ovdalaš 2005 válggaid. Dan oaidná go geahččá oláhuvvon mihttomeariide.

Mihttomearri vuoitit válgga

Norgga Sámiid Riikkasearvi ja báikkálaš ovtasbargolisttut ožžo 18 sámediggeárasa 43 árasis. NSR ja NSR ovtasbargolisttuid jienastedje 11 eambo jienasteaddji og Bargiidbellodaga. Sáhtá dadjat ahte NSR "vuittii válgga" 11 jienain. Lea miellagiddevaš go NSR oláhii mihttomeari oážžut unnimustá 17 árasa.

Mihttomearri oážžut sámediggepresideantta

Sámediggepresideanta lea Aili Keskitalo (NSR) ja nu lea dát mihttomearri maid oláhuvvon. Mihttomearri ii oláhuvvon dušše válgagičču geažil, muhto maiddá dan ovttasbargosoahpamuša geažil mii lihkestuvai ja man vuodul lei vejolaš cegget eanetlogu, go juo gearddi áirasiid juohkin lei nu jámma. Šiehtadallamiid jođihii Geir Tommy Pedersen ja riikkastivra lei su gohččon dan dahkat. Válgaaráhkkaneapmi- ja čadaheapmi sihkkarasttii ahte NSRs lei duohta šiehtadallanvuodđu.

Nissonmihttomearri

NSR sámediggejoavkkus leat 18 áirasa ja 12 leat nissonat. NSR áirasiin leat 67% nissonat. Dáid válggaid maŋŋá ledje Sámedikkis vuosttaš geardde nissonat 51% konstituereddettiin ja dat lea erenoamáš álbmotválljejuvvon orgánas, maiddá máilmmi dásis. NSR njuolggadusaid olis galggai válljejuvvot unnimustá okta guhtege sohkabealis guovtti bajimus sajiide. Báikkálaš searvvit hástaledje nissoniid searvat go juo gearddi nu unnán nissonat ledje Sámedikkis. NSR Ragnhild Lydia Nystad oaččui 2005 Finnmárkku fylkkasuohkana dáseárvobálkkášumii nissoáirasiid lassáneami dihte. Son lea máŋga jagi čalmmustahtán man dehálaš lea válljet Sámediggái ovttá mađe olu áirasiid guhtege sohkabealis, ja bidjan johtui máŋga kampánja.

Nuppesválljenmihttomearri

Guhtta áirasa NSR 14 áirasis 2001-2005 serve fas válggaide ja válljejuvvojedje. Ovddit sámediggejoavkku ektui válljejuvvojedje fas 46%, ja dat lea 4% unnit og mihttomearri. Okta áirras searvvai eará joavkkus NSRii ja válljejuvvui fas. Čieža áirasa 18 áirasis geat besse Sámediggái 2005 válggain ledje ovdal leamaš Sámedikkis ja dat dahká 39%.

Nuoraidmihttomearri

NSR bajimusevttohasain válljejuvvojedje 3 áirasa vuollel 30 jagi. Dasto oláhuvvui maiddá dát mihttomearri NSR válgabarggu bokte. NSR nuoraidlávdegoddi barggai hui buori barggu ja organiserii SMS-kampánjjaid mas ávžžuhii nuoraid searvat jienastuslohkui, seminára ja skuvlaválggaid, mat ledje hui mávssolaččat dán oktavuodas. Virkkos ja čeahpes nuoraid-organisašuvdna lea hui dehálaš vai NSR maiddá boahpteáiggis bissu Norgga sámapolitihka deháleamos premissahábmejeaddjin.

Organiseren

Riikkastivra ásahii sierra válgaprošeavtta 2004 cuoŋománus. Válgaprošeavtta jođihii Silje K. Muotka. Borgemánu 19. beaivvi ásahuvvojedje 4 oasseprošeavtta.

1. Jienastuslohku, man jođihii Marit Einejord.
2. Progránna ja politihkalaš rehkedoallu, man jođihii Sigbjørn Skåden.
3. Kandidáhtat, man jođihii Vivi Pedersen.
4. Medaprofilerenjoavkku bargu ii boahán johtui.

Válgaprošeavtta jođiheaddji čadahii válgaprošeavtta, oktan oasseprošeavttaid jođiheaddjiiguin, ja bargu lei áibbas dárbbaslaš ráhkanettiin válggaide. Oktiibuot evttohuvvojedje 16 olbmo válgaprošektii, muhto eai buohkat boahán johtui.

Miessemánu 1. beaivvi rájes organiserjuvvui válgabargu eará láhkái. Ásahuvvui unna váлгаorganisašuvdna mas lei mearridanváldi ovdalaš válgga.

- Geir Tommy Pedersen virgáiduvvoi válgakoordináhtorin olles virggis, ja koordinerii earret eará presideantta mátkki ja doaimmahii válgaaviissa.
- Organisatuvrralaš nubbejođiheaddji, Martin Urheim doalai oktavuodá bálvátus- ja gálvovuvdiiguin.

- Silje K. Muotka ja soai, geat dás bajábealde namuhuvvuiga, ledje mearrideaddji joavku go lea sáhka válggas.
- Ráhkaduvvui válgabarggu bušeahtta.
- Ásahuvvui válgareassajoavku mas ledje earret eará Silje Muotka, Sigbjørn Skåden, ja Marit Einejord geat barge gitta válgabeaivái.

NSR válgastivrrat:

NSR báikkálaš searvvit nammadedje válgastivrraid buot válgabiriin, ja válgastivrraid ovddasvástádus lei plánet, organiseret ja čađahit sámediggeválgabargguid válgabiires. Válgastivrrat nammaduvvojedje ovdal 01.09.04 ja sin doaibmá bisti válgajagi lohppii. Válgastivrrat galget válgabarggu raportta addit ovdal 31.12.2005. Sámediggejoavku lea maŋŋil juolludan 10.000 ruvnnu juohke válgastivrii go nu buori barggu barge. Válgabiriid válgastivrraid leat jođihan:

Válgabiire

1. Várjjat
2. Deatnu
3. Kárášjohka
4. Guovdageaindu
5. Porsángu
6. Áltá/Fálesnuorri
7. Davvi-Romsa
8. Gaska-Romsa
9. Lulli-Romsa
10. Davvi Nordlánda
11. Gaska Nordlánda
12. Lullisámebiire
13. Lulli-Norga

Jođiheaddji

Berit Ranveig Nilssen
 John Trygve Solbakk
 Egil Utsi
 Ánne Márjá Gaup Eira
 Sigvald Persen
 Brita Julianne Skum
 Mary Mikalsen Trollvik
 Mildri Pedersen
 Olav Andersen
 Åge Nordkild
 Tone Finnesen
 Kristin Sara
 Tor Dalseng